

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 9 MAC 2016, PUKUL 10.00 PAGI

Bil. 3

PERTANYAAN-PERTANYAAN BAGI JAWAB LISAN

1. PR-1341-L73463
Tuan Haji Ahmad Nazlan bin Idris [Jerantut] minta **MENTERI PENDIDIKAN TINGGI** menyatakan pengenalan CEO atau '*Faculty Programme*' di universiti terpilih yang dilaksanakan, namun apakah hasil dan kepakaran yang dipraktikkan tersebut mampu memberi impak yang besar dalam pengajaran dan pembelajaran universiti.
2. PR-1341-L72648
Dato' Ngeh Koo Ham [Beruas] minta **MENTERI TENAGA, TEKNOLOGI HIJAU DAN AIR** menyatakan kenapa tarif elektrik Tenaga Nasional Berhad tidak menurun sungguhpun harga bahan bakar jana elektrik seperti petroleum, gas dan arang batu telah turun mendadak.
3. PR-1341-L73628
Datuk Abd Rahim bin Bakri [Kudat] minta **MENTERI KERJA RAYA** menyatakan status pelaksanaan Pan-Borneo Highway khususnya di kawasan Negeri Sabah. Bilakah ia akan mula dilaksanakan.
4. PR-1341-L72610
Puan Kasthuriraani a/p Patto [Batu Kawan] minta **PERDANA MENTERI** menyatakan adakah Kerajaan bercadang menghentikan penukaran agama secara unilateral bagi kanak-kanak bawah umur memandangkan ianya bertentangan dengan Perlembagaan Persekutuan serta inisiatif Peguam Negara untuk meminda Akta Membaharui Undang-Undang (Perkahwinan dan Perceraian) yang melibatkan penukaran agama unilateral.
5. PR-1341-L71800
Datuk Jumat bin Idris [Sepanggar] minta **MENTERI KEWANGAN** menyatakan apakah tindakan kementerian terhadap bank tempatan yang enggan menstruktur semula pinjaman bagi mengurangkan bayaran balik hutang perumahan di negeri Sabah

6. PR-1341-L72062
Tuan Tan Kok Wai [Cheras] minta **PERDANA MENTERI** menyatakan perkembangan dan pencapaian pegawai SPRM yang dihantar ke kementerian/jabatan/agensi Kerajaan bagi mengekang gejala rasuah, meningkatkan integriti dan akauntabiliti perkhidmatan awam.
7. PR-1341-L72839
Ir. Shaharuddin bin Ismail [Kangar] minta **MENTERI PENGANGKUTAN** menyatakan berapakah jumlah kos penyelenggaraan yang disediakan, serta apakah langkah yang diambil dalam meningkatkan lagi prasarana-prasarana awam seperti masalah surau yang tidak diselenggara serta masalah ketiadaan air di Jeti Kuala Perlis. Jeti tersebut merupakan salah satu laluan utama ke Pulau Langkawi dan Satun, Thailand dengan pertambahan bilangan pelancong domestik dan antarabangsa ke utara Semenanjung selaras dengan wujudnya perkhidmatan tren elektrik (ETS).
8. PR-1341-L73399
Dato' Fauzi bin Abdul Rahman [Indera Mahkota] minta **MENTERI DALAM NEGERI** menyatakan jumlah pusat-pusat Serenti yang telah dibina oleh Kerajaan dan lokasinya. Berapakah penghuni setiap Pusat Serenti ini dan pecahan mengikut kaum dan jantina dan apakah Kementerian berpuas hati dengan kaedah memulihkan penghuni-penghuni ini.
9. PR-1341-L71790
Datuk Haji Datu Nasrun bin Datu Mansur [Silam] minta **MENTERI KOMUNIKASI DAN MULTIMEDIA** menyatakan berapakah kes laporan penipuan yang melibatkan penjualan barangan melalui internet telah dilaporkan kepada Suruhanjaya Komunikasi dan Multimedia Malaysia (SKMM) dalam tempoh 2008-2013, berapakah kes yang telah berjaya diselesaikan.
10. PR-1341-L73409
Tuan Haji Khalid bin Abdul Samad [Shah Alam] minta **MENTERI KEMAJUAN LUAR BANDAR DAN WILAYAH** menyatakan jumlah biasiswa dan pinjaman pelajaran yang dikeluarkan oleh Majlis Amanah Rakyat untuk tahun-tahun 2013 hingga 2015 dan dibandingkan dengan jumlah yang dibajetkan untuk tahun 2016.
11. PR-1341-L72886
Datuk Hajah Norah binti Abd Rahman [Tanjong Manis] minta **MENTERI SUMBER MANUSIA** menyatakan apakah tindakan Kerajaan untuk menangani masalah rakyat yang akan kehilangan pekerjaan di sektor minyak dan gas dan juga Bank Simpanan Nasional yang telah mengeluarkan notis dalaman untuk tidak meluluskan permohonan pinjaman peribadi daripada pekerja sektor minyak dan gas.
12. PR-1341-L73030
Tuan Loke Siew Fook [Seremban] minta **PERDANA MENTERI** menyatakan secara terperinci jumlah peruntukan yang dikurangkan untuk setiap program tajaan biasiswa Jabatan Perkhidmatan Awam ekoran daripada semakan Belanjawan 2016.

13. PR-1341-L72476
Puan Hajah Normala binti Abdul Samad [Pasir Gudang] minta **MENTERI PERDAGANGAN ANTARABANGSA DAN INDUSTRI** menyatakan mekanisma yang diambil oleh Kementerian bagi memberikan penerangan dengan tepat dan jelas kepada rakyat Malaysia mengenai Perjanjian Perkongsian Trans-Pasifik (TPPA) agar perkara yang tidak sah tidak dimanipulasikan oleh pihak tertentu.
14. PR-1341-L71967
Puan Teresa Kok Suh Sim [Seputeh] minta **PERDANA MENTERI** menyatakan kos pengeluaran minyak Petronas setiap tong pada Disember tahun 2013, 2014 dan 2015. Nyatakan pengeluaran minyak Petronas dan sumbangan cukai Petronas kepada Kerajaan Persekutuan pada tahun 2013, 2014 dan 2015.
15. PR-1341-L73050
Dato' Shamsul Anuar bin Haji Nasarah [Lenggong] minta **MENTERI PENDIDIKAN** menyatakan :-
- (a) berapakah jumlah pelajar orang asli setakat ini di seluruh negara; dan
 - (b) adakah Kementerian ada melakukan gerak kerja bagi memastikan mana-mana masyarakat orang asli yang masih terpinggir mendapat hak pendidikan berkualiti secukupnya
16. PR-1341-L73565
Tuan Er Teck Hwa [Bakri] minta **PERDANA MENTERI** menyatakan jumlah bilik soal siasat SPRM di seluruh Malaysia, bilangan dan lokasi bilik soal siasat yang telah dilengkapi CCTV sebagai langkah mencegah kes Teoh Beng Hock daripada berulang lagi.
17. PR-1341-L72531
Dato' Haji Irmohizam bin Haji Ibrahim [Kuala Selangor] minta **PERDANA MENTERI** menyatakan sejauh manakah kaedah pengiraan Indeks Syariah Malaysia (ISM) yang telah dibina akan dimantapkan dan diperhalusi dari semasa ke semasa dan bilakah hasil penyelidikan bagi pelaksanaan ISM yang sedang dalam kajian akan dibentangkan di Parlimen.
18. PR-1341-L73375
Dr. Tan Seng Giaw [Kepong] minta **PERDANA MENTERI** menyatakan strategi untuk menghadapi pergolakan di dunia agar Malaysia dapat mencapai negara maju.

19. PR-1341-L73594
Dato' Sri Hasan bin Malek [Kuala Pilah] minta **MENTERI PERUSAHAAN PERLADANGAN DAN KOMODITI** menyatakan apakah perancangan konkrit pihak Kementerian bagi membantu pekebun kecil yang terpaksa berhadapan dengan kejatuhan harga getah sekian lama dan terbeban dengan peningkatan harga barang keperluan harian pada masa ini. Apakah pembayaran tambahan bagi setiap RM0.30 bagi setiap KGK (Kandungan Getah Kering) mampu mengatasi masalah ini. Adakah wajar sekiranya pihak Kementerian memberikan bayaran sara hidup secara bulanan berjumlah RM250 berbanding pembayaran KGK yang rata-rata mendapat rungutan pihak sasaran.
20. PR-1341-L72821
Puan Teo Nie Ching [Kulai] minta **MENTERI KESIHATAN** menyatakan tunggakan bayaran pesakit warganegara asing yang menerima rawatan perubatan di hospital-hospital dan fasiliti Kementerian Kesihatan.
21. PR-1341-L72512
Datuk Haji Shabudin bin Yahaya [Tasek Gelugor] minta **MENTERI KEWANGAN** menyatakan sejauh manakah Surat Pekeliling langkah penjimatan kepada 37 Kementerian dapat memberi nilai tambah dalam pengubahsuaian Bajet 2016.
22. PR-1341-L71813
Tuan Fong Kui Lun [Bukit Bintang] minta **MENTERI WILAYAH PERSEKUTUAN** menyatakan kemajuan dan kelembapan Kuala Lumpur setelah 42 tahun menjadi Wilayah Persekutuan dari segi taburan demografi, pembangunan fizikal dan pelbagai masalah yang membelenggunya.
23. PR-1341-L73263
Dato Sri Dr. Muhammad Leo Michael Toyad Abdullah [Mukah] minta **MENTERI PENDIDIKAN** menyatakan kedudukan pembinaan gantian SRK Kampung Tellian di Mukah dan bilakah tender itu dikeluarkan.
24. PR-1341-L73276
Tuan Gooi Hsiao-Leung [Alor Setar] minta **MENTERI PERTANIAN DAN INDUSTRI ASAS TANI** menyatakan sama ada di bawah Perjanjian Perkongsian Trans-Pasifik (TPPA), kawalan harga untuk memastikan beras import lebih mahal daripada beras Malaysia boleh berterusan memandangkan tanggungjawab menyifatkan beras import sekurang-kurangnya sebaik dengan beras domestik di bawah TPPA.
25. PR-1341-L73510
Datuk Dr. Ewon Ebin [Ranau] minta **PERDANA MENTERI** menyatakan sama ada pihak Suruhanjaya Pilihanraya Malaysia (SPR) dalam gerakan persempadanan semula kawasan pilihan raya yang akan datang, akan memperuntukkan satu pertiga (1/3) kerusi Parlimen di Malaysia kepada negeri-negeri Borneo, Sabah dan Sarawak sepertimana yang termaktub dalam Perjanjian Malaysia 1963.

26. PR-1341-L72281
Dr. Haji Izani bin Haji Husin [Pengkalan Chepa] minta **PERDANA MENTERI** menyatakan sebab-sebab mengapa Indeks Persepsi Rasuah (IPR) Malaysia 2015 jatuh ke tangga 54 berbanding tangga ke 50 tahun 2014. Adakah ia berkaitan dengan isu 1MDB dan apakah Kerajaan melaksanakan tujuh saranan Transparency International 2014.
27. PR-1341-L73537
Dato' Seri Mohamed Azmin bin Ali [Gombak] minta **MENTERI PERUSAHAAN PERLADANGAN DAN KOMODITI** menyatakan apakah langkah pelan jangka masa panjang bagi memastikan harga pasaran komoditi sawit negara kembali stabil apabila berhadapan dengan pesaing baru seperti Indonesia.
28. PR-1341-L72189
Dato' Ahmad Fauzi bin Zahari [Setiawangsa] minta **PERDANA MENTERI** menyatakan apakah status terkini perkhidmatan kereta "UBER" di Malaysia dan apakah langkah Kementerian bagi menyelesaikan kemelut antara pemilik kereta UBER ini dengan pemandu teksi.
29. PR-1341-L72429
Tuan Chong Chieng Jen [Bandar Kuching] minta **MENTERI KEWANGAN** menyatakan apakah perbezaan kutipan *Goods and Services Tax (GST)* yang dianggarkan dan jumlah sebenar yang dikutip untuk tahun 2015.
30. PR-1341-L72811
Datuk Dr. Makin @ Marcus Mojigoh [Putatan] minta **MENTERI SUMBER MANUSIA** menyatakan tindakan yang diambil berikutan dengan penyusutan harga produk petroleum :-
- (a) penyediaan peluang pekerjaan baru bagi kakitangan langsung yang terlibat dalam industri petroleum yang telah dan bakal kehilangan pekerjaan; dan
 - (b) penyediaan peluang pekerjaan baru bagi kakitangan sokongan (misalnya pembekal perkhidmatan dan lain-lain) yang terlibat dalam industri petroleum yang telah dan bakal kehilangan pekerjaan mereka.
31. PR-1341-L72693
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI SUMBER MANUSIA** menyatakan apakah "*blueprint*" Kerajaan dalam isu kemasukan pekerja asing ke dalam negara. Adakah Kerajaan mempunyai perancangan untuk melibatkan pelajar-pelajar sekolah menengah dan ke atas sebagai pekerja separuh masa bagi mengisi ruang pekerjaan yang diperlukan selain daripada mengharap kepada pekerja asing semata-mata sepertimana dilakukan oleh negara-negara maju.

32. PR-1341-L73434
Dato' Haji Mahfuz bin Omar [Pokok Sena] minta **PERDANA MENTERI** menyatakan :-
- (a) apakah hasil siasatan dan rekomendasi yang dibuat oleh SPRM kepada Peguam Negara dalam siasatan kes RM2.6 billion yang disalurkan ke dalam akaun peribadi Perdana Menteri dan RM42 juta dari SRC International yang juga disalurkan ke dalam akaun peribadi Perdana Menteri; dan
 - (b) apakah yang terjadi dengan wang RM42 juta yang dikatakan dimasukkan ke dalam akaun peribadi Perdana Menteri tanpa disedari oleh Perdana Menteri.
33. PR-1341-L71769
Datuk Wee Jeck Seng [Tanjong Piai] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah kaedah yang digunakan dalam sistem pelupusan sampah di Kg. Ayer Putih Pekan Nanas sebagai jaminan dengan pembesaran kawasan tersebut maka masalah pencemaran bau tidak berlaku lagi yang menjadi aduan dan rungutan masyarakat setempat.
34. PR-1341-L72696
Tuan Teo Kok Seong [Rasah] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah penganjur Himpunan Bersih dan Baju Merah telah membayar kos pembersihan. Jika tidak, apakah tindakan yang akan diambil.
35. PR-1341-L72222
Tuan Haji Nasrudin bin Hassan [Temerloh] minta **MENTERI PENDIDIKAN TINGGI** menyatakan kebolehpayaan institusi-institusi sedia ada untuk membiaya kos pengajian pelajar pengajian tinggi pasca pengubahsuaian Bajet 2016.
36. PR-1341-L71638
Datuk Seri Panglima Haji Abdul Ghapur bin Haji Salleh [Kalabakan] minta **PERDANA MENTERI** menyatakan :-
- (a) apakah Kementerian maklum bahawa rakyat Malaysia di sepanjang pantai Sabah, khususnya yang berisiko tinggi, tidak yakin dengan jaminan tentang keselamatan mereka kerana, tidak wujudnya pos-pos kawalan keselamatan tetap yang boleh menempatkan anggota keselamatan untuk sepanjang masa; dan
 - (b) apakah Kementerian merancang untuk mewujudkan pos-pos berkenaan pada masa akan datang.

37. PR-1341-L72993
Dato' Seri Tiong King Sing [Bintulu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) apakah perancangan terkini Kementerian untuk membina Projek Perumahan Rakyat (PPR) di seluruh negara terutamanya di kawasan Bintulu dan jumlah unit yang akan dibina; dan
 - (b) bilakah PPR tersebut akan dilaksanakan dan tempoh penyempurnaannya
38. PR-1341-L71898
Tuan Anuar bin Abd. Manap [Sekijang] minta **MENTERI PERTAHANAN** menyatakan kos keseluruhan pembelian 6 buah helikopter tempur MD 530G untuk kegunaan Pasukan Udara Tentera Darat yang bakal diterima pasukan tersebut bermula pada tahun ini serta apakah manfaat pemilikan aset ini kepada sistem pertahanan negara.
39. PR-1341-L71932
Dr. Lee Boon Chye [Gopeng] minta **MENTERI KEWANGAN** menyatakan bentuk dan nilai aset yang akan diserahkan kepada IPIC (sebuah syarikat Kerajaan Abu Dhabi) menjelang 30 Jun 2016, mengikut '*Binding Term Sheet*' yang ditandatangani oleh MOF Inc Malaysia dan 1MDB dengan IPIC pada 28hb Mei 2015.
40. PR-1341-L71717
Dato' Kamarul Baharin bin Abbas [Telok Kemang] minta **MENTERI PELANCONGAN DAN KEBUDAYAAN** menyatakan :-
- (a) bagaimana Perjanjian Perkongsian Trans Pasifik (TPPA) boleh memberikan kesan positif terhadap sektor pelancongan negara; dan
 - (b) jangkaan pertambahan jumlah peluang pekerjaan dalam sektor pelancongan serta pendapatan pelancongan negara selepas perlaksanaan TPPA.
41. PR-1341-L72011
Tuan Hee Loy Sian [Petaling Jaya Selatan] minta **PERDANA MENTERI** menyatakan alasan Peguam Negara tidak mendakwa YAB Perdana Menteri berkenaan isu wang RM2.6 bilion dan RM42 juta milik SRC International, anak syarikat Kementerian Kewangan dimasukkan ke akaun peribadi YAB Perdana Menteri.
42. PR-1341-L72803
Dato' Seri Dr. Wan Azizah binti Wan Ismail [Permatang Pauh] minta **MENTERI LUAR NEGERI** menyatakan komitmen sumbangan Kerajaan Malaysia bagi membantu masalah pelarian Syria dalam Persidangan mengenai Krisis Syria anjuran PBB di London pada 4 Februari 2016 dan status terkini bantuan Malaysia kepada pembangunan semula Gaza selain daripada sumbangan USD100,000 ketika Persidangan Kaherah 2014.

43. PR-1341-L72766
Tuan Julian Tan Kok Ping [Stampin] minta **MENTERI KESIHATAN** menyatakan langkah-langkah yang telah dilaksanakan mahupun akan diambil berasaskan laporan daripada Ketua Audit Negara (Auditor General) yang mana dilaporkan bahawa peningkatan kos Sarawak International Medical Center (SIMC) sebanyak RM160 juta adalah akibat daripada pengurusan yang tidak cekap serta menyertai perjanjian yang tidak mempertahankan kepentingan Sarawak. Nyatakan secara terperinci langkah seterusnya dalam penggunaan serta perkembangan hospital tersebut.
44. PR-1341-L72157
Dr. Michael Jeyakumar Devaraj [Sungai Siput] minta **MENTERI PENDIDIKAN** menyatakan mengapa Kementerian Pendidikan (KPM) telah membayar Time Medi Enterprise sehingga Disember 2015 walaupun kontraktor itu gagal membayar gaji pekerja sejak Mei 2015 dan dijadikan muflis pada Julai 2015. Adakah Kementerian sedia membayar gaji tertunggak 50 pekerja terlibat.
45. PR-1341-L72549
Tuan Manivanan a/l Gowindasamy [Kapar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) apakah perkembangan dan status terkini secara terperinci yang telah berlaku dalam tempoh masa 1 Januari 2015 sehingga 29 Februari 2016 mengenai cadangan untuk membina sebuah balai bomba dan penyelamat di Parlimen Kapar khususnya di DUN Sementa dan DUN Meru; dan
 - (b) apakah bantuan-bantuan yang telah disalurkan kepada Balai Bomba Sukarela Pulau Ketam di Parlimen Kapar sepanjang tempoh masa dari 1 Januari 2015 sehingga 31 Disember 2015.
46. PR-1341-L72678
Tuan Shamsul Iskandar bin Mohd Akin [Bukit Katil] minta **MENTERI KEWANGAN** menyatakan secara terperinci perancangan dan tindakan yang akan dilaksanakan Kerajaan bagi membendung kenaikan inflasi pada suku pertama 2016 iaitu 4% seperti unjuran Bank Negara Malaysia yang tentunya akan membebankan rakyat.
47. PR-1341-L72517
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan butir majikan-majikan yang dikatakan memohon kemasukan pekerja-pekerja Bangladesh seramai 1.5 juta.
48. PR-1341-L73013
Tuan Wong Sze Phin @ Jimmy [Kota Kinabalu] minta **MENTERI KEWANGAN** menyatakan secara teliti bagaimana peruntukan RM1 Billion dalam Belanjawan 2016 digunakan untuk tujuan sistem Bus Rapid Transit (BRT) di Kota Kinabalu. Nyatakan jenis dan jumlah bas, jaringan jalan raya dan kawasan yang terlibat, bentuk operasi sistem BRT, jumlah perhentian bas dan sebagainya.

49. PR-1341-L72935
Tuan Mohd Rafizi bin Ramli [Pandan] minta **MENTERI PENDIDIKAN TINGGI** menyatakan (mengikut kategori pembiayaan penuh, sebahagian dan yuran pengajian) jumlah keluarga yang mempunyai lebih dari seorang anak yang meminjam PTPTN pada satu masa dari tahun 2010 hingga 2015.
50. PR-1341-L72105
Tuan Zairil Khir Johari [Bukit Bendera] minta **PERDANA MENTERI** menyatakan peratusan hakim Mahkamah Rayuan dan Mahkamah Persekutuan dari kalangan bukan Islam, bukan Bumiputera dan juga wanita bagi setiap tahun dari 1994.
51. PR-1341-L73091
Dato' Dr. Mujahid Yusof Rawa [Parit Buntar] minta **MENTERI SUMBER MANUSIA** menyatakan apakah justifikasi dan mekanisma yang digunakan untuk membawa masuk pekerja-pekerja asing dari Bangladesh.
52. PR-1341-L72863
Tuan Sim Tze Tzin [Bayan Baru] minta **PERDANA MENTERI** menyatakan bilakah reformasi Parlimen yang dijanji kepada Yang Dipertua Speaker Dewan Rakyat akan dilaksanakan oleh Kerajaan.
53. PR-1341-L71848
Dato' Johari bin Abdul [Sungai Petani] minta **PERDANA MENTERI** menyatakan :-
- (a) berapakah jumlah keseluruhan nilai aset Lembaga Tabung Haji terkini dan berapa pula pendedahan (*exposure*) kewangan yang sedang dihadapinya; dan
 - (b) adakah Kerajaan akan mengambil tindakan terhadap Ahli Lembaga Pengarah dan Pengurusan Tertinggi yang telah mengakibatkan kedudukan kewangan Tabung Haji meruncing sekarang.
54. PR-1341-L73575
Tuan Oscar Ling Chai Yew [Sibü] minta **PERDANA MENTERI** menyatakan budget recalibration 2016, projek-projek yang akan ditangguhkan dan peruntukan yang akan dikurangkan kepada Sarawak.
55. PR-1341-L73379
Dato' Dr. Nik Mazian bin Nik Mohamad [Pasir Puteh] minta **PERDANA MENTERI** menyatakan peruntukan biasiswa Kerajaan kepada para pelajar lepasan SPM tahun ini untuk melanjutkan pelajaran ke peringkat seterusnya.
56. PR-1341-L72456
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PELANCONGAN DAN KEBUDAYAAN** menyatakan aspek pengurangan kos atau pelancongan bajet yang akan diperkenalkan bagi meningkatkan jumlah pelancong domestik kepada 66.8 juta seperti yang diunjurkan.

57. PR-1341-L72665
Tuan Gobind Singh Deo [Puchong] minta **MENTERI PENDIDIKAN** menyatakan sama ada terdapat sekolah kebangsaan yang mencukupi di kawasan Puchong khususnya di kawasan Sri Serdang, bilangan sekolah kebangsaan dan bilangan pelajar-pelajar.
58. PR-1341-L72936
Tuan Mohd Rafizi bin Ramli [Pandan] minta **PERDANA MENTERI** menyatakan kaedah-kaedah, peraturan-peraturan dan "*standard operating procedures*" (SOP) yang digunakan oleh Tabung Haji dalam mengira dan menentukan tahun giliran menunaikan haji bagi setiap pendeposit Tabung Haji.
59. PR-1341-L72874
Tuan Lim Lip Eng [Segambut] minta **MENTERI DALAM NEGERI** menyatakan status siasatan ke atas dakwaan fitnah terhadap DAP terima dana Israel sebanyak USD300 juta (RM1.2 billion) untuk kempen Pilihan Raya Umum Ke-13. Senaraikan undang-undang jenayah yang sedia ada bagi membanteras budaya politik fitnah.
60. PR-1341-L73482
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan peratusan kemajuan projek pembinaan semula rumah baru pasca banjir 2014 di Kuala Krai.
61. PR-1341-L71938
Dr. Lee Boon Chye [Gopeng] minta **MENTERI KEWANGAN** menyatakan kedudukan dan harga penjualan Edra Global Energy Bhd kepada China General Nuclear Power Corporation (CGN).
62. PR-1341-L72934
Tuan Mohd Rafizi bin Ramli [Pandan] minta **PERDANA MENTERI** menyatakan (bagi tempoh 1 Januari 2007 hingga 31 Disember 2015) jumlah pelaburan Tabung Haji di dalam Silver Bird Group Berhad (SBGB), jumlah dividen diterima dan jumlah untung/rugi dari saham SBGB yang diniagakan.
63. PR-1341-L73224
Tuan Ahmad Marzuk bin Shaary [Bachok] minta **PERDANA MENTERI** menyatakan statistik peruntukan khas YAB Perdana Menteri untuk kawasan Parlimen sejak Pilihan Raya Umum ke 13 mengikut kawasan Parlimen. Nyatakan jumlah peruntukan Projek Mesra Rakyat (PMR) bagi setiap kawasan Parlimen yang terpilih pada tahun 2014 dan 2015. Nyatakan butiran bagi kedua dua peruntukan tersebut di Parlimen Bachok.
64. PR-1341-L72085
Raja Dato' Kamarul Bahrin Shah [Kuala Terengganu] minta **PERDANA MENTERI** menyatakan apakah pendirian Kerajaan dalam isu cadangan untuk menambahkan hukuman lebih berat di bawah Akta O.S.A - Akta Rahsia Keselamatan Negara yang dicadangkan oleh Peguam Negara pada awal 2016 baru-baru ini.

65. PR-1341-L72370
Tuan Tony Pua Kiam Wee [Petaling Jaya Utara] minta **MENTERI** menyatakan sama ada Peguam Negara telah menyalah deposit RM27 juta ke dalam akaun bank Menteri Kewangan pada 8 Julai 2014 yang berpunca daripada SRC International, yang antaranya RM3.2 juta digunakan untuk membayar bil kad kreditnya. Adakah ini merupakan kesalahan pecah amanah.
66. PR-1341-L72749
Tuan Che Mohamad Zulkifly bin Jusoh [Setiu] minta **MENTERI PENDIDIKAN TINGGI** menyatakan apakah program-program sedia ada boleh membantu graduan mempersiapkan diri sebelum melangkah ke alam pekerjaan, memandangkan kajian yang dilaksanakan telah mengenal pasti bahawa graduan kurang kemahiran berkomunikasi dan terlalu memilih pekerjaan. Ini kerana penciptaan peluang pekerjaan baharu dapat dilihat tidak senada dengan limpahan graduan dari IPT.
67. PR-1341-L72546
Puan Alice Lau Kiong Yieng [Lanang] minta **MENTERI PENDIDIKAN** menyatakan :-
- (a) berapakah peratus penempatan guru Sarawak ke negeri asal mereka telah dicapai setakat ini; dan
 - (b) bilakah sasaran 90% guru tempatan Sarawak dapat dicapai.
68. PR-1341-L71834
Datuk Aaron Ago anak Dagang [Kanowit] minta **MENTERI PENDIDIKAN** menyatakan langkah-langkah yang diambil oleh pihak Kementerian dalam menambah baik Sistem Aplikasi Pentaksiran Berasaskan Sekolah (PBS) bagi mengukur pencapaian murid dalam menguasai pembelajaran.
69. PR-1341-L72019
Dato' Sri Haji Abdul Azeez bin Abdul Rahim [Baling] minta **MENTERI PELANCONGAN DAN KEBUDAYAAN** menyatakan apakah inisiatif pihak Kementerian mengenai aset perlancongan yang berpotensi untuk dikomersialkan bagi menjana pendapatan penduduk setempat dan daerah Baling khususnya. Contohnya Gunung Baling menjadi tumpuan bukan sahaja daripada rakyat dari seluruh negara kerana tertarik dengan permandangan menarik di puncak gunung, kaki Gunung Baling yang terdapat banyak gua-gua batu kapur, sungai-sungai yang berpotensi sebagai tarikan pelancong untuk dimajukan dan juga terowong komunis di Weng, satu kawasan yang bersejarah.
70. PR-1341-L72746
Dr. Ismail bin Daut [Merbok] minta **MENTERI PENDIDIKAN** menyatakan tahap keberkesanan Garis Panduan Pelaksanaan "*Employability Skills*" untuk Kolej Vokasional dan sejauh manakah tahap penerimaan pelajar kemahiran teknikal dan vokasional terhadap garis panduan ini.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Tuan Haji Ahmad Lai bin Bujang [Sibuti] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Keempat, Parlimen Yang Ketiga Belas.”

Menyambung semula Perbahasan atas masalah (8 Mac, 2016)

- | | | | |
|----|----------------|--|-------------------------------|
| 2. | (D.R. 36/2015) | Rang Undang-undang Keselamatan Sosial Pekerja (Pindaan) 2015 | Bacaan Kali Yang Kedua |
| | | [Menteri Sumber Manusia] | |
| 3. | (D.R. 30/2015) | Rang Undang-undang Syarikat 2015 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 4. | (D.R. 29/2015) | Rang Undang-undang Skim Kepentingan 2015. | “ |
| | | [Menteri Perdagangan Dalam Negeri, Koperasi dan Kepenggunaan] | |
| 5. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. | “ |
| | | [Menteri Dalam Negeri] | |
| 6. | (D.R. 37/2015) | Rang Undang-undang Profesion Undang-undang (Pindaan) 2015 | “ |
| | | [Menteri di Jabatan Perdana Menteri] | |

7. (D.R. 39/2015) Rang Undang-undang Kanak-Kanak " (Pindaan) 2015
[Menteri Pembangunan Wanita, Keluarga dan Masyarakat]
8. (D.R.9/2015) Rang Undang-undang Kanun Tatacara " Jenayah (Pindaan) 2015
[Menteri di Jabatan Perdana Menteri]
9. (D.R.12/2015) Rang Undang-undang Keterangan " (Pindaan) 2015
[Menteri di Jabatan Perdana Menteri]
10. (D.R.35/2015) Rang Undang-undang Persaingan " (Pindaan) 2015
[Menteri Perdagangan Dalam Negeri, Koperasi dan Kepenggunaan]

11. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur terutama sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

12. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk kesejahteraan rakyat yang menggunakan laluan tersebut."

[Menteri Kerja Raya]

13. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

14. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahawa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

15. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

16. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

17. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

18. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

19. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

20. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

21. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

22. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak espek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

23. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

24. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

25. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

26. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

27. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

28. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]